

Vēskas prapoulé

Kor tuos senas, vešlēs pēivas,
Mažū dēinū išbraidītas,
Vēsuokiun geismiems nulītas?

Tēi takelē parugie
Par vasēlkas ēr koukalē
Muni nešē pakiliejē
I gēralēs kliebi žalē.
Paukštiū torgā tēn klegiejē,
Oušē ožoulīna galēs,
Kāp bažninčēs guotikēnēs,
Meldies kopetuo eilelēs.

Kor tuos buočiu longenīčēs,
Kienēs kvepontēs, ablioutas,
Opēs, pelkēs kāp skleinīčēs
Borboliava šaltinioutas.

Žemēs mēigas bova pēlnas,
Viežē pakeriūs čežiejē,
Laigē stērnas poikēs lēinas,
Pakelē lūža – žīdiejē.

Nurēitiejē par ganīklas
Brēkas štončkuoms apkontietas
Ēr tuos žīdrā žalēs pēivas
Līg regietas – neregietas.